



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LWESIBILI (P2)

LWETI 2013

EMAMAKI: 70

SIKHATSI: 2 ema-awa

Leliphepha linemakhasi la-21.

TICONDZISO KULABAHLOLWAKO

Fundza lelikhasi ngembikwekutsi ucale kuphendvula imibuto.

1. UNGALIFUNDZI lonkhe liphepha lemibuto. Buka lokucuketfwe ekhasini lelilandzelako bese ubeka luphawu kulowo nalowo mbuto lobutwe ngetincwadzi lotifundze lonyaka. Emvakwaloko, fundza leyo mibuto lenetimpawu kuphela bese ukhetsa leyo lofuna kuphendvula yona.

2. Leliphepha lemibuto licuketse TIGABA LETINE:

SIGABA A: Inoveli	(35)
SIGABA B: Umdlalo	(35)
SIGABA C: Tindzaba letimfisha	(35)
SIGABA D: Tinkondlo	(35)

3. Khetsa uphendvule tigaba LETIMBILI KUPHELA, A nobe B nobe C nobe D. Nawukhetse SIGABA D phendvula imibuto LEMIBILI. Phendvula ngalendlela lelandzelako:

SIGABA A: INOVELI:

Phendvula MUNYE umbuto loyindzabambhalo nobe imibuto lemifisha ngenoveli loyifundzile.

SIGABA B: UMDLALO

Phendvula MUNYE umbuto loyindzabambhalo nobe imibuto lemifisha ngemdlalo lowufundzile.

SIGABA C: TINDZABA LETIMFISHA

Phendvula MUNYE umbuto loyindzabambhalo nobe imibuto lemifisha ngendzaba lemifisha loyifundzile.

SIGABA D: TINKONDLO

Phendvula imibuto LEMIBILI.

Sebentisa luhla lwekutikhumbuta.

4. Landzela ticondziso ekucaleni kwaleso naleso sigaba.
5. Tinombolo tetimphendvulo atihambisane naleto temibuto njengobe tinjalo ephepheni lemibuto.
6. Cala LESO NALESO sigaba ekhasini LELISHA.
7. Siphakamiso sekulawulwa kwesikhatsi singaba ngemaminithi lange-60 kuleso naleso sigaba.
8. Bhala ngesandla lesibonakalako nalesifundzekako.

LOKUCUKETFWWE

Lelikhasi litawusita bahlolwa ekukhetseni imibuto LABAFUNA kuyiphendvula ngaphandle kwekufundza lonkhe liphepha lemibuto.

SIGABA A: INOVELI			
Phendvula MUNYE umbuto.			
INOMBOLO YEMBUTO/INCWADZI	UMBUTO	EMAMAKI	LIKHASI
1. <i>Kwasha Tikhotsa</i>	Umbuto loyindzabambhalo	35	5
NOBE			
2. <i>Kwasha Tikhotsa</i>	Imibuto lemifisha	35	5
SIGABA B: UMDLALO			
Phendvula MUNYE umbuto.			
3. <i>Lahloma Ladvuma</i>	Umbuto loyindzabambhalo	35	8
NOBE			
4. <i>Lahloma Ladvuma</i>	Imibuto lemifisha	35	8
SIGABA C: TINDZABA LETIMFISHA			
Phendvula MUNYE umbuto.			
5. <i>Litsambo</i>	Umbuto loyindzabambhalo	35	12
NOBE			
6. <i>Litsambo</i>	Imibuto lemifisha	35	12
SIGABA D: TINKONDLO			
Phendvula imibuto ibe MIBILI.			
7. <i>Ncamul' emave</i>	Imibuto lemifisha	17½	15
NOBE			
8. <i>Ngitawuphapha</i>	Imibuto lemifisha	17½	17
NOBE			
9. <i>Mnukubeti wemvelo</i>	Imibuto lemifisha	17½	18
NOBE			
10. <i>Intfutwane</i>	Imibuto lemifisha	17½	20

LUHLA LWEKUTIKHUMBUTA**CAPHELA:**

- Phendvula nobe ngutiphi tigaba LETIMBILI A nobe B nobe C nobe D.
- Nawukhetse SIGABA D phendvula imibuto LEMIBILI.
- Thikha imibuto yetigaba lotiphendvulile.

SIGABA	TINOMBOLO TEMIBUTO	LINANI LEMIBUTO LEPHENDVULWAKO	THIKHA (√)
A: Inoveli (Indzabambhalo nobe imibuto lemifisha)	1–2	1	
B: Umdlalo (Indzabambhalo nobe imibuto lemifisha)	3–4	1	
C: Tindzaba letimfisha (Indzabambhalo nobe imibuto lemifisha)	5–6	1	
D: Tinkondlo (Imibuto lemifisha)	7–10	2	

CAPHELA: Cinisekisa kutsi uphendvule imibuto ngetigaba LETIMBILI KUPHELA.

SIGABA A: INOVELI

Phendvula INDZABAMBHALO nobe IMIBUTO LEMIFISHA.

UMBUTO 1: KWASHA TIKHOTSA – LL Dlamini

Bhala indzabambhalo lenemagama langabi ngetulu kwalange-240 uphawule ngebudlelwano lobukhona phakatsi kwaMswati wesibili nebanakabo.

[35]**NOBE****UMBUTO 2: KWASHA TIKHOTSA – LL Dlamini**

Fundza lethekesthi bese uphendvula imibuto letawulandzela.

'Silapha nje sitewucocisana neNgwenyama, siyikhumbute kutsi umsebenti awukapheli,' kukhuluma Sandlane. 'Khuluma ngilalele Ndvunankhulu,' kusho Mswati. 'Bantfwana basaticinisile tinhloko kuMahamba nemaphetselo. Sisekelo sabo sesiwile, kodvwa bona basele abekho ngaphasi kwelihlombe lakho Silo semabandla. Akubekhona lokwentiwako embikwekubeka phasi tikhali,' kusho Sandlane.

'Ngibonga kusukuma kwenu phasi tindvuna tami nitewungikhumbuta ngalomsebenti lesingakawuphetsi. Angikakhohlwa kepha ngitsalalisile nje ngobe ngicabanga kutsi batawutishaya bona etinhlitiyweni tabo bete kimi sitewucocisana. Emalanga asachubeke kakhulu sisekelo sabo sabhidlitwa, kepha akuvakali lutfo loluchamuka kubo. Kukhombisa ngalokusobala kutsi abakatimiseli kuta lapha eLudzidzini batewukhuleka ngako-ke selitfuba lekutsatsa tinyatselo,' kusho Sandlane.

'Vetani umbono wenu tindvuna tami kuze sicedzele umsebenti wetfu bese siyaphumula,' kusho Mswati. 'Akuphume khukhulelangoco wemphi ayewugoba Somcuba emahlombe angaze abe nemicabango yekubaleka,' kusho Tikhuba.

Njalo uma kukhulunywa ngebantfwana abephelelwa ngemandla Mswati ehluleke ngisho nekuveta umbono lovakalako.

'Sigwaca lesihle ngulesishoshako Ngwenyama. Siyabona kutsi nakukhulunywa yebantfwana kuceka emadvolu, kufike neluvalo ngobe kutsintsa yona iNgwenyama matfupha. Tonkhe timphi lesitilwile besiphephisa sive etitseni. Bantfwana bayingoti emphilweni yeNgwenyama lucobo,' kusho Sandlane akhombisa kutsi imphele kabi indzaba yebantfwana.

Mswati wabona kutsi wente liphutsa lelikhulu ngekungayisukumeli etulu lendzaba. Kwacaca kuye kutsi awukho umtamo langawenta wekuzuza banakabo babe ngakuye. Wachubeka Sandlane watsi, 'Ngiyambona Somcuba, angimesabi. Ngiyambona Ndlela, angimesabi. Ngiyambona Fokotsi, angimesabi. Umuntfu loyingoti kubendlula bonkhe nguSidvwala. Livi lakhe aliweli phasi.'

2.1 Ngubani ligama lamake waMswati wesibili?
Khetsa YINYE imphendvulo.

- A NguMzila
- B NguSidvwala
- C NguTsandzile
- D NguGwalagwala

(1)

2.2 Lomsebenti lokukhulunywa ngawo kuletheksthi longakapheli ngulonjani? Khetsa YINYE imphendvulo.

- A Ngumsebenti wekwelusa tinkhomo.
- B Ngumsebenti wencwala.
- C Ngumsebenti wekwelapha emabutfo.
- D Ngumsebenti wekuhlasela bantfwabenkhosi. (1)

2.3 Ngabe lesisekelo lekukhulunywa ngaso kuletheksthi singubani? Khetsa YINYE imphendvulo.

- A NguFokotsi
- B NguNdlela
- C NguMtjekeni
- D NguSandlane (1)

2.4 Condzanisa emagama lakuKHOLOMU A netimphendvulo letikuKHOLOMU B.

KHOLOMU A	KHOLOMU B
2.4.1 Masiphula	A Imbongi yenkhosi.
2.4.2 Indlavela	B Indlovukati yesive.
2.4.3 Gwalagwala	C Inyanga yesive.
2.4.4 Tsandzile	D Libutfo laMswati.
2.4.5 Khubalo	E Indvuna yaMpande.

(5 x 1) (5)

2.5 Ngubani lendvuna yaMswati leyesaba Sidvwala? (1)

2.6 Ngabe **liciniso** nobe **liphutsa** kutsi Somcuba wabulawa yiNdlavela? Sekela ngeliphuzu LINYE. (2)

2.7 Bobani labantfwana lekukhulunywa ngabo kuletheksthi? Bhala BABILI. (2)

2.8 Kwenta njani kutsalalisa? Chaza ubhekise kuletheksthi. (2)

2.9 Sive seMaswati siwakhonte kakhulu emasiko. Bhala emasiko abe MABILI latfolakala enovelini. (2)

2.10 Bhala tinkinga tibe TIMBILI letibukene naMswati wesibili. (2)

2.11 Chaza kutsi Tsandzile uvetwe njengemlingisi lonjani ngekwesimilo. Sekela ngeliphuzu LINYE. (2)

2.12 Lenoveli iphetseke ngendlela lengakalindzeleki. Bhala emaphuzu LAMABILI lafakazela loko. (2)

- 2.13 Mswati wesibili abebambisene nalabanye bantfu ekulibuseni live leMaswati. Ngabe uyavumelana nalesitatimende? Sekela imphendvulo yakho ngemaphuzu LAMABILI. (3)
- 2.14 Letigameko letenteka kulendzaba tiyahambisana yini nesikhatsi sakudzala? Sekela ngemaphuzu LAMABILI. (3)
- 2.15 Nika tifundvo LETIMBILI letitfolakala kulenovel. (2)
- 2.16 Catsanisa loku lokwenteka enovelini ngesikhatsi kubusa Mswati wesibili nesikhatsi sanyalo lokuphatselene nekubekwa kwenkhosi nekuhola imphi. Bhala emaphuzu LAMABILI. (4)
- [35]**

SAMBA SIGABA A: 35

SIGABA B: UMDLALO

Phendvula INDZABAMBHALO nobe IMIBUTO LEMIFISHA.

UMBUTO 3: LAHLOMA LADVUMA – Z Motsa

Badlali lababalulekile kulomdlalo benta liphutsa leladvonsela sive seBatfwa etinkingeni. Bhala indzabambhalo lenemagama langabi ngetulu kwalange-240, ufakazele lombono ngekubhekisa kulabadlali labalandzelako:

Ndvukutemphi.
Vusematfwa.
Khetsiwe.
Imbiba.

[35]**NOBE****UMBUTO 4: LAHLOMA LADVUMA – Z Motsa**

Fundza letheksthi lengentasi bese uphendvula imibuto letawulandzela.

KHETSIWE:	(<i>Akhotsama</i>) Zinyane! Mngani! Sibona wena Zinyane leMbiba!
VUSEMATFWA:	Mfo! Wasihlasela ngebumnyama, ukhala ngani?
NDVUKUTEMPHI:	(<i>Ngendzelelo</i>) Utsi ngikhala ngani nje utangisita ngani msa wababe longatsi nguwe lodzinga lusito? Waphela umntfwanababe ngemambawu sigcwele umuti sibukile! (<i>Ahlabela ngalengkulu indzelelo</i>) Amnandz' emambawu Adibanis' umcondvo wami Amnandz' emambawu! (<i>Ahleke loludze</i>) Cha nanyalo ulukhuni ungankwali kulesitiba sakho lobhukusha kuso waBabe!
VUSEMATFWA:	(<i>Asukume ajakele kuye</i>) Ye ja! Khumbula kuselawini lami la. Angeke umane ukhulume lokutsandzako, uyeva?
KHETSIWE:	(<i>Angena emkhatsini wabo</i>) Kahleni Batfwa! Senicala kuhilikishana-ke futsi! Kuyote kube ngunini vele? Hawu Batfwa, fane nihloniphe mine lokungenani.
NDVUKUTEMPHI:	Bindza mfati! Ungenaphi etindzabeni telusendvo sewufuna kuhlonishwa nje?
VUSEMATFWA:	Cha msa wababe, uyona lapho! Awukafaneli kukhuluma kanjena kuKhetsiwe. Siyalu seBatfwa lesi. Ngumake wesive. Kumele umhloniphe.

NDVUKUTEMPHI: He-he-he! Ngimhloniphe? Ngitsi ngentelani?
Hhooo! Nitivalele lapha elawini nje ngoba nitikhandza nibukhosi bami bakusasa! Wena Vusematfwa utsi ungalibusa nje ukhontane nemanti kanje? Nanyalo ulukhuni sibili, ngabe kudzala wabekwa emtsandzeni. (*Libaneke, lidvume*)

KHETSIWE: Hawu! Ndvukutemphi! Walubulala ludziwo lwami!

NDVUKUTEMPHI: Seluphelile yini lubumba? (*Anganaki achubeke avikisane nemnakabo.*)

KHETSIWE: Ndvukutemphi! Ngulolu ... ngulolu lengalunikwa yiNdlovukati nayingemukela nyakenye! Ndvukutemphi ... sewulwephulile!

4.1 Bhala sibekandzaba saletheksthi lengenhla.

- A Kuselawini laNdvukutemphi.
- B Kusesibhimbini seBatfwa.
- C Kuselawini laVusematfwa.
- D Kusesigodlweni seMbiba.

(1)

4.2 Lengoma lehlatjelwa nguNdvukutemphi inveta anjani ngesimilo? Khetsa YINYE imphendvulo kuleti.

- A Ndvukutemphi uvela ahlonipha.
- B Ndvukutemphi uvela anesibindzi.
- C Ndvukutemphi uvela adzelela.
- D Ndvukutemphi uvela aneluvulo.

(1)

4.3 Kuletheksthi yini lengenta Vusematfwa agcine angabutfoli bukhosi beMatfwa?

- A Vusematfwa utsandza tjwala.
- B Vusematfwa utsandza tintfombi.
- C Vusematfwa wehlulwa butfongo.
- D Vusematfwa utsandza kulwa.

(1)

4.4 Nasilandzela inkhulumo yaNdvukutemphi, ngulolunjani lusito loludzingwa nguVusematfwa?

- A Kumyisa ejele.
- B Kumyekelisa tjwala.
- C Kumtsatsela umfati.
- D Kumfunela umsebenti.

(1)

4.5 Kuletheksthi lengenhla Khetsiwe singatsi ungumdlali lonjani?

- A Ngumcatsi.
- B Ngumlamuli.
- C Ngubangiswako.
- D Ngumelekeleli.

(1)

4.6 Condzanisa emagama lakuKHOLOMU A netimphendvulo letikuKHOLOMU B.

KHOLOMU A	KHOLOMU B
4.6.1 Ingcikitsi	A Lijaha lekuchamuka.
4.6.2 Emphelave	B Tjwala.
4.6.3 Tsembative	C Khetsiwe uhamba naTsembative.
4.6.4 Emambawu	D Elawini laNdvukutemphi.
4.6.5 Siphetho semdlalo	E Umbango webukhosi.

(5 x 1) (5)

- 4.7 Caphuna emavi aNdvukutemphi laveta kukhatsateka kwakhe ngesimilo saVusematfwa. (1)
- 4.8 Yini lebangwako kuletheksthi lengenhla? (1)
- 4.9 Yini lebangela kutsi Tsembative atsandze kubitwa ngalelinye ligama kulomdlalo? (1)
- 4.10 Lenkhulumo letsi 'Khetsiwe ngumake wesive' isho kutsini? (1)
- 4.11 Kungani Ndvukutemphi angafuni umntfwana waMadzandza kulomdlalo? (1)
- 4.12 Kubangelwa yini kutsi iMbiba ingafuni kutsi kubulawe Tsembative naKhetsiwe kulomdlalo? (1)
- 4.13 Tsembative uchamuka kuphi aze atfolakale esiveni seBatfwa? (1)
- 4.14 Lukhona yini ludvweshu lwangaphandle kuletheksthi lengenhla? Sekela ngeliphuzu LINYE. (2)
- 4.15 Ngabe libito laKhetsiwe liyahambisana naye yini? Sekela imphendvulo yakho ngeliphuzu LINYE. (2)
- 4.16 Yini lefunwa nguTsembative emkhatsini webukhosi naKhetsiwe? Sekela ngeliphuzu LINYE. (2)
- 4.17 Chaza kutsi ngabe inkhulumiswano nemnyakato kuyahambisana yini kuletheksthi lengenhla. (2)
- 4.18 **Kuliciniso** nome **liphutsa** kutsi kufa kweludziwo kuluphawu lwekulahlekelwa bukhosi kuNdvukutemphi kulomdlalo? Sekela ngeliphuzu LINYE. (2)
- 4.19 Njengobe kuvela kutsi Khetsiwe utawuba yindlovukati yeMatfwa, ngabe kwagcina kwentekile yini kulomdlalo? Sekela ngeliphuzu LINYE. (2)

- 4.20 Tetsamelilwati tifundzani ngesimilo saKhetsiwe kulomdlalo? Bhala emaphuzu LAMATSATFU. (3)
- 4.21 Loku lokwenteka kuletheksthi lengenhla kungadlaleka yini esiteji? Sekela imphendvulo yakho. (3)
- [35]**

SAMBA SIGABA B: 35

SIGABA C: TINDZABA LETIMFISHA

Phendvula INDZABAMBHALO nobe IMIBUTO LEMIFISHA.

UMBUTO 5: *LITSAMBO* – EJ Mhlanga

Linyenti lebantfu libukela labanye bantfu phasi liphindze litiphakamise ngeticu nangemfundvo yakulamanye emave. Bhala indzabambhalo lenemagama langabi ngetulu kwalange-240 ufakazele lamavi ngekubhekisa kulendzatjana letsi, 'Titifiketi'.

[35]**NOBE****UMBUTO 6: *LITSAMBO* – EJ Mhlanga**

Fundza lethekesthi lelandzelako bese uphendvula imibuto letawulandzela.

IMALI LENGAKA – JJ Ngcongwane

Kusebusuku impela. Celiwe Shongwe uyaphendvuphendvuka embhedzeni wakhe. Butfongo solo abufuni kufika. Uyacabanga, ucabanga ngalemali lengaka layitfolile. Phela solo akhule angaka akazange asayibone imali lenyenti ngalendlela. Lemali impela imsanganisa inhloko. Nekudla akusangeni nasemlonyeni kusukela emalangeneni lamatsafu lengcile ayitfolile lemali. Sewumane nje akutsi ncokoloti akuyekele. Sewusutsa lite umntfwana waShongwe, neluvalo lumphetse.

Wetfuka tanya nakeva kudvuma imoto. Phela ucabanga kutsi seyimoto yemaphoyisa. Ingani phela kuvakale kutsi kukhona tigebugu letibambe imoto inkunzi khona lapha emgwacweni lodzabula emahlatsini aseSappi kulamalangana lengcile. Kuvakale kutsi letigebugu tibambe leveni letfwala imali tabaleka nemali lelinganiselwa etigidzini letisikhombisa temarandi.

Kuvakale futsi kutsi ngesikhatsi letigebugu tibamba lemoto yemali inkunzi, kube khona kudubula emkhatsini waletigebugu nabologadza. Letinye taletigebugu titfwale lemali tabaleka tangena nayo ehlatini. Letinye njalo tabaleka ngemoto yato. 'Lemali lengaka ngitayitsini? Hhayi, ngiva ngishaywa luvalo. Emaphoyisa nakangayitfoli lapha kimi lemali angacabanga kutsi ngimi lengiyebile lemali bese ayangivalela. Shengatsi sengiyabona nje sengigwetjwa kudzilikelwa lijele ngentfo lengingayati. Cha, ngingamane ngihlupheke kunekutsi ngiboshwe ngiboshelwe intfo lengingakayenti.'

Emaphoyisa nakatfoli lemali lapha kimi atawetfwesa mine onkhe lamacala aletigebugu letiwentile. Licala lekubamba inkunzi libhange kanye nekubulala ...' Yonkhe leyo micabango yaphambana enhloko yaCeliwe njengaloku alele lapha ekamelweni lakhe. 'Nalelizimbane lami lelinguJameson ngeke sengicale ngilitjele lendzaba. Nasekhaya solo angikayitsi vu. Hhayi, lokuncono angiyitsatse yonkhe lemali njengaloku injalo ngiyimikise kumlumbi.'

- 6.1 Yini lebangela kutsi Celiwe aphendvuphendvuke embhedzeni angalali nekudla kungangeni?
Khetsa YINYE imphendvulo.
- A Ushaywe bosidlani.
 - B Ucabanga ngesingani sakhe lesifuna kumshada.
 - C Celiwe ucabanga ngemali lenyenti layitfolile.
 - D Ucabanga ngesingani sakhe lesicabanga kumshiya. (1)
- 6.2 Malini tigebengu letiyitsatsile natibamba imoto yekutfwala imali?
Khetsa YINYE imphendvulo.
- A Tigidzi letisikhombisa.
 - B Emakhulu lasihlanu.
 - C Tinkhulungwane letine.
 - D Tikhulungwane letintsatfu. (1)
- 6.3 Kungani tisebenti tilumeke emasimu ngemlilo?
Khetsa YINYE imphendvulo.
- A Umlumbi uyaticosha.
 - B Atifuni kusebenta ngelisontfo.
 - C Tifuna kunyuselwa emaholo.
 - D Betifuna kutsi kuhlobe. (1)
- 6.4 Yini leyaniketwa Celiwe kumbonga ngesento sekumikisa imali emaphoyiseni?
Khetsa YINYE imphendvulo.
- A Incenye yemali.
 - B Sikotela se-Coke.
 - C Timphahla letinyenti.
 - D Liwashi lasesandleni. (1)
- 6.5 Besihlalaphi singani saCeliwe?
Khetsa YINYE imphendvulo.
- A EMalawi.
 - B EZambia.
 - C EBotswana.
 - D EMozambique. (1)

6.6 Condzanisa inkhulumo lekuKHOLOMU A netimphendvulo letikuKHOLOMU B.

KHOLOMU A	KHOLOMU B
6.6.1 Lizizimbane	A kubamba inkunzi.
6.6.2 Macalangendlala	B usebenta kamlumbi ekhishini.
6.6.3 Tigebengu	C umlumbi welipulazi.
6.6.4 Celiwe Shongwe	D Jameson Chipanza.
6.6.5 Inkinga	E kutfolakala kwemali lenyenti.

(5 x 1) (5)

6.7 Celiwe wafike wentani ngesishumpha semali lebekayitfole ehlatini? (1)

6.8 Ngabe letigebengu leteba lemali tatfolakala yini? (1)

6.9 Bhala emacala LAMABILI labengatfweswa Celiwe nangabe abanjwa ngemaphoyisa. (2)

6.10 Yini lokwenta kutsi belumbi bangayitsatsi yonkhe lemali kuCeliwe? Bhala emaphuzu LAMABILI. (2)

6.11 **Kungumbono** nobe **kuliciniso** yini kutsi belumbi bacasha bantfu bakulamanye emave ngobe laba baseNingizimu Afrika bafuna imali lenyenti futsi bayavilapha? Sekela ngeliphuzu LINYE. (2)

6.12 Nika sifundvo lesitfolakala kulendzatjana ngekubhekisa endzabeni. (2)

6.13 Ngabe sihloko salendzatjana siyahambisana yini nengcikitsi yaso? Sekela imphendvulo yakho ngeliphuzu LINYE. (2)

6.14 Bhala KUBILI lokuhehako kuletheksthi. (2)

6.15 Jameson akakatsembeki. Utsini wena? Sekela imphendvulo yakho. (2)

6.16 Wena bewungenta njani nawutfole imali njengaCeliwe? (2)

6.17 Ngekubona kwakho bekufanele yini Celiwe atsatse imali yonkhe ayoyinika umlumbi? Sekela imphendvulo yakho. (2)

6.18 Ngabe siphetfo salendzatjana besilindzelekile nawulalela ingcogco phakatsi kwaCeliwe kanye naJameson Chimpanza? Sekela imphendvulo yakho. (2)

6.19 Ngabe uyavelana yini naCeliwe lokutsi belumbi bahambe bamshiye emva kwekutsi batfole imali lenyenti? Sekela ngemaphuzu LAMABILI. (3)

[35]**SAMBA SIGABA C: 35**

SIGABA D: TINKONDLO

Phendvula nobe nguyiphi imibuto LEMIBILI kulesigaba.

UMBUTO 7

Fundza lenkondlo lengentasi bese uphendvula imibuto letawulandzela.

NCAMUL' EMAVE – SR Mnisi

- | | |
|----|---------------------------------------------------|
| 1 | Inhlitiyo lengalali namuntfu |
| 2 | Ibubula ingacedzi namuhla |
| 3 | Ngitiva tehla nesibibitfwane singasiti |
| 4 | Idzabuka ingeke iletse mehluko |
| 5 | Timsitsile tintsaba letikudze Ncamul' emave |
| 6 | Namuhla ngikudla kwemizindlo nemicabango |
| 7 | Ingabe uyawubuya aphila nje nebakitsi? |
| 8 | Ngubani longakhohlwa ngulesa simomondiya |
| 9 | Sikhikhikhi sikhutsali semihla ngemihla |
| 10 | Ngisho lomagadvula sishingishane selucobo |
| 11 | Uma sekajika ekhoneni kudzela sibukeli |
| 12 | Abelesele ngaleliphasi liphimbo livi |
| 13 | Ngimoyitela kancane ngisho ngekutichenya |
| 14 | Ncamul' emave tintsaba tiyamdedela! |
| 15 | Uma agezile wapholishwa kudzela tibukeli botsotsi |
| 16 | Umkhandza asakhukhumukise emahlombe acunusile |
| 17 | Ubone ngemehlo kutsi simele kutsintfwa silwane |
| 18 | Uyalalela akasiye sonkhanise Ncamula |
| 19 | Ubhukula imincele aye kuleSwatini ngekwetsembeka |
| 20 | Akakhononi ngisho akhonjwa leya eKZN indlela |
| 21 | Sifungo sekutsi siyofa silahlane sisacinile |
| 22 | Sinini sami lesihambe naye nanamuhla |
| 23 | Sibika baphetsene kahle eluhambeni. |
| 24 | Nangu achamuka egedeni sebamletsile |
| 25 | Nangu amandzatela ngebusokati |
| 26 | Waba lilanga lucobo namuhla! |
| 27 | Ncamul' emave tintsaba tiyamdedela! |

- 7.1 Lenkondlo iluhlobo luni? (1)
- 7.2 Kunjani kuhleleka kwemigca endzimeni ngayinye kulenkondlo? (1)
- 7.3 Bunkondlo buni lobuvelwa ngulamagama labhalwe ngalokugcizelelwe kulemigca lelandzelako?

Nangu achamuka egedeni sebamletsile
Nangu amandzatela ngebusokati

(1)

- 7.4 Hlobo luni lwesifanamsindvo lolutfolakala emgceni we-21?
Khetsa YINYE imphendvulo.
- A Imvumelwanosicalo
B Imvumelwanosigcino
C Sifanangwaca
D Sifutamsindvo (1)
- 7.5 Khokha imvumelwano letfolakala emgceni we-1 newe-2 bese unika luhlobo lwayo. (1½)
- 7.6 Caphuna imigca LEMIBILI lesendzimeni yesibili lekhombisa kutsi Ncamul'emave bekanemandla lamangalisako. (2)
- 7.7 Bhala tinongo tenkhulumo letivetwa ngulemigca lengentasi, bese uchaza kutsi tihambisana kanjani nalenkondlo.
- 7.7.1 'Idzabuka ingeke iletse mehluko.' (2)
- 7.7.2 'Ngubani longakhohlwa ngulesa simomondiya?' (2)
- 7.8 Kubangelwa yini kutsi sonkondlo abite Ncamul' emave ngesimomondiya? Sekela ngeliphuzu LINYE. (2)
- 7.9 Kubangelwa yini kutsi sonkondlo asebentise loluphawu (!) kulomugca? Sekela ngeliphuzu LINYE. Waba lilanga lucobo namuhla! (2)
- 7.10 Bhala umoya wenkondlo. Sekela ngeliphuzu LINYE. (2)

[17½]**NOBE**

UMBUTO 8

Fundza lenkondlo lengentasi bese uphendvula imibuto letawulandzela.

NGITAWUPHAPHA – AT Fakudze

- 1 Ungibona nginje nje ntsangayetfu
- 2 Angipheleli khona laph' etaleni,
- 3 Wen'ulaliswa ngulelibala lami,
- 4 Bes'ungicabangela khon'etaleni,
- 5 Lemicatsane yetinwele tam' iyakusita,
- 6 Yent' ungangiboni kahle,
- 7 Yingak' ungangati kahle,
- 8 Mine ngisenguye wa-Adam,
- 9 Mine ngisenguye wa-Eva,
- 10 Yam' ingcondv' iphelele
- 11 Yam' imiva injengeyaJobe,
- 12 Ngitakwenta kunye vo,
- 13 Ngitakwenta kudzele tibukeli,
- 14 Ngitawuphapha.

- 8.1 Bhala imigca LEMIBILI lapho sonkondlo asebentise luchumanosigcino. (1)
- 8.2 Hlobo luni lwenkondlo lolunesakhiwo lesifana nalena lengenhla?
Khetsa YINYE imphendvulo.
 - A Ilirikhi
 - B Isonethi
 - C Isathaya
 - D Inkondlomlandvo
 (1)
- 8.3 Phawula ngekuhleleka kwemagama emgceni ngamunye ngeliphuzu LINYE. (1)
- 8.4 Sinongo sini senkhulumo lesitfolakala emgceni we-11? (1)
- 8.5 Bhala luchumanosicalo lolutfolakala emigceni we-12 newe-13. (1)
- 8.6 Emgceni we-13 sonkondlo ukhuluma ngatiphi tibukeli? (1)
- 8.7 Bunkondlo buni lobuvelwa ngulemigca lelandzelako? Usho ngani?
Ungibona nginje-nje ntsangayetfu
Angipheleli khona laph' etaleni, (1½)
- 8.8 Ngabe sonkondlo ukhuluma ngemuntfu lomnyama nobe lomhlophe kulenkondlo? Khokha umugca enkondlweni lofakazela imphendvulo yakho. (2)
- 8.9 Ngemigca LEMIBILI chaza kutsi ucondzeni sonkondlo ngalomugca lolandzelako?
Yam' ingcondv' iphelele (2)
- 8.10 Ngemaphuzu LAMABILI bhala kujula kwalenkondlo. (2)

- 8.11 Phawula ngelikhono lasonkondlo lekusebentisa kwakhe sinongo sekwentasasilwane emgceci we-14. (2)
- 8.12 Ngemigca LEMIBILI sifundvo sini lesitfolakala kulenkondlo? (2)
[17½]

NOBE**UMBUTO 9**

Fundza lenkondlo lengentasi bese uphendvula imibuto letawulandzela.

MNUKUBETI WEMVELO – AT Fakude

- 1 Utsini ngalomoya lowunukubeta nsuku tonkhe?
- 2 Utsini ngalamanti lowakhipha sitfunti?
- 3 Utsini ngalomhlaba lowuwukhipha buwona?
- 4 Utsini ngalolwandle loluncisha inhlonipho?
- 5 Vele sonkhe sesihlukubetekile,
- 6 Vele sonkhe sesihluphekile,
- 7 Sekwanele Mhlukubeti ndzini.
- 8 Salusukhawula ngekushesha.
- 9 Kutsanti bekukhutwa wen' eMgwenya
- 10 Itolo bekwelulekwa wen' evenini yakho yentfutfu.
- 11 Namuhla kusahhunyutwa wena ngemfuhlumfuhlu yetibi takho
- 12 Tehle letingeyusulwa ngumuntfu,
- 13 Akhale Noyana,
- 14 Tikukhalele takaSigonyela.
- 15 Emaphepha, emaphepha emabaleni etfu
- 16 Emabhodlela, emabhodlela emigwacweni yetfu
- 17 Asihlaba sihlabeke enyameni yetfu
- 18 Tincamu, tincamu etindleleni tetfu
- 19 Tincamul' imphilo yetfu eveni ngekushesha
- 20 Kantsi yini ngawe Mnukubeti?
- 21 Usilwane cobo lwaso wena
- 22 Sekwanele Mnumzane COLA.
- 23 Mnukubeti, Mnukubeti,
- 24 Cabanga, ucabangisise,
- 25 Tinsuku takho setibaliwe,
- 26 Salakutjelwa sibona ngemopho.

- 9.1 Bhala luhlobo lwebunkondlo lobukhonjiswa ngulamagama labhalwe ngekugcizelela kulemigca lengentasi.

Utsini ngalomoya lowunukubeta nsuku tonkhe?

Utsini ngalamanti lowakhipha sitfunti?

(1)

- 9.2 Sinongo sini senkhulumo lesisetjentiswe ngusonkondlo kulomugca longentasi? Khetsa YINYE imphendvulo.
'Usilwane cobo lwaso wena.'
- A Kumuntfutisa.
B Sifaniso.
C Sihabiso.
D Sifanisongco. (1)
- 9.3 Bunkondlo buni lobutfolakala kulomugca longentasi? Emabhodlela, emabhodlela emigwacweni yetfu. (1)
- 9.4 Bhala luhlobo lwesifanamsindvo lolutfolakala kulomugca longentasi. Emaphepha, emaphepha emabaleni etfu. (1)
- 9.5 Bhala ingcikitsi yalenkondlo uphindze unike nesibonelo seligama lelisekela ingcikitsi. (1½)
- 9.6 Bhala imigca LEMIBILI lesenkondlweni lapho sonkondlo akhombisa kutsi sewudziniwe nguloku lokwentiwa ngumnukubeti. (2)
- 9.7 Emgceni we-7 sonkondlo usivetela umoya wenkondlo lotsite. Utsini lomoya? Sekela imphendvulo yakho ngeliphuzu LINYE. (2)
- 9.8 Sonkondlo ucondze kutsini ngemugca we-19? Nika emaphuzu LAMABILI. (2)
- 9.9 Ligama lelitsi 'Mnukubeti' lisivetela sitfombe lesinjani kulenkondlo? Sekela ngemaphuzu LAMABILI. (2)
- 9.10 Nika bunkondlo lobutfolakala emgceni we-9 newe-10. Sekela imphendvulo yakho ngeliphuzu LINYE. (2)
- 9.11 Ngusiphi sifundvo longasifundzisa umphakatsi ngalenkondlo? Nika emaphuzu LAMABILI. (2)
- [17½]**

NOBE

UMBUTO 10

Fundza lenkondlo lengentasi bese uphendvula imibuto letawulandzela.

INTFUTFWANE – MJ Thwala

- 1 Yati tilimela temnyaka
- 2 Njengentfutfwane letatiko,
- 3 Leyati kutsi kunebusika nelihlobo,
- 4 Nekutsi kunelikwindla nentfwasahlobo.
- 5 Yati kutsi sikhatsi siyahamba,
- 6 Lokuhle kulandzele lokubi
- 7 Nalokubi kulandzele lokuhle,
- 8 Konkhe kuhamba njengesikhatsi.
- 9 Ngente ngibe njengentfutfwane
- 10 Leyati sikhatsi' ingenawashi,
- 11 Leyati teliv'ingenabalave,
- 12 Leyat' imphil' ingafundziswa.
- 13 Ngente ngibe njengentfutfwane,
- 14 Ngisebente sikhatsi sisekhona,
- 15 Ngicabangele sikhatsi lesitako
- 16 Lesimatim' emphilweni yami.
- 17 Ngiklomelise ngenkhutsalo yentfutfwane,
- 18 Ngisebente kamatima ngikhohlwe
- 19 Telve letihlatimulis'umtimba,
- 20 Tingente ngiphefumule kamatima.
- 21 Ngente ngiphile njengentfutfwane,
- 22 Lenelikhaya lekuphephela nasekubhoke
- 23 Emakhata nemimoya yebusika,
- 24 Netimvula letin'ehlobo.

10.1 Bhala bunkondlo lobusemgceni we-9 newe-13.
Khetsa YINYE imphendvulo.

- A Sifutamsindvo.
- B Imphindvwa.
- C Luchumano.
- D Sidvonsamoya.

(1)

10.2 Khokha umugca lotfolakala endzimeni yekucala lonesicatsaniso.

(1)

10.3 Endzimeni yesibili kuneluchumano loluvundlile, bhala lemisho bese uyaludwebela.

(1)

10.4 Sinongo sini senkhulumo lesitfolakala emgceni we-5?

(1)

- 10.5 Bhala bunkondlo lobutfolakala emgceni we-14 newe-15. (1)
- 10.6 Ngemaphuzu LAMABILI phawula ngephethini yalenkondlo. (1½)
- 10.7 Sonkondlo uyibhekise kubobani lenkondlo? Bhala emaphuzu LAMABILI. (2)
- 10.8 Ngemisho LEMIBILI bhala lokushiwo ngulenkondlo. (2)
- 10.9 Sonkondlo ucondze kusitjelani ngalemigca lengentasi? Phendvula ngemaphuzu LAMABILI.
- Leyati sikhats' ingenaliwashi,
Leyati imphil' ingafundziswanga. (2)
- 10.10 Nika umoya walenkondlo bese uyasekela ngeliphuzu LINYE. (2)
- 10.11 Yini lengazuzwa bantfu ngekufundza lenkondlo? Nika emaphuzu LAMATSATFU. (3)
[17½]

SAMBA SIGABA D: 35
SAMBA SISONKHE: 70